



**LAPORAN LIPUTAN MEDIA HARIAN
RABU 7 OGOS 2019**

BIL	TAJUK KERATAN AKHBAR	KEMENTERIAN / JABATAN / AGENSI
1. 2.	MADA, KADA LAKSANA DASAR PENYATUAN TANAH SAWAH, NASIONAL, BH -13 "SAYA MAHU LIHAT NELAYAN, PETANI DAN PESAWAH TERSENYUM INDAH", NASIONAL, SH -4	KEMENTERIAN PERTANIAN DAN INDUSTRI ASAS TANI (MOA)
3.	30 NELAYAN VIETNAM ROMPAK HASIL LAUT, DALAM NEGERI, UM -44	JABATAN PERIKANAN MALAYSIA (DOF)
4. 5.	AYAM BEKU SELUDUP BERNILAI RM300,000 DIRAMPAS, SINAR NEGERI PANTAI TIMUR, SH -32 AYAM SEJUK BEKU BERNILAI RM300,000 DIRAMPAS, NEGARA, KOSMO -16	JABATAN PERKHIDMATAN KUARANTIN PEMERIKSAAN MALAYSIA (MAQJS)
6.	MEREKA IBARAT WIRA NEGARA, NASIONAL, SH -7	LEMBAGA PERTUBUHAN PELADANG (LPP)
7. 8. 9. 10. 11. 12. 13. 14. 15. 16.	MANSUH SKIM BANTUAN HANYA TAMBAH BEBAN RAKYAT, SINAR NEGERI, SH -3 PEKEBUN RESAH SKIM BANTUAN TANAMAN DIMANSUHKAN, TUNTUTAN SKIM PENANAMAN SEMULA DIKEMBALIKAN, SH -2 LOT PASAR BORONG DIJUAL RM1.3 JUTA, MUKA DEPAN, BH -1 PUNCA 5 BEKALAN MAKANAN MAHAL, MUKA DUA, BH -2 PEMBORONG KAUT 75 PERATUS UNTUNG, NASIONAL, BH -3 MYCC DEDAH WUJUD SALAH GUNA AP IMPORT KUBIS BULAT, NASIONAL, BH -3 SEWA TAPAK TINGGI, JUAL BARANG MAHAL, NASIONAL, BH -4 MALAYSIA PERLU KILANG PROSES PRODUK SUSU BAYI, NASIONAL, BH -4 KERAJAAN PERLU TAMBAH IMPORT DAGING, NASIONAL, BH -5 PENDERMA FOOD BANK DILINDUNGI UNDANG-UNDANG, NASIONAL, BH -5	LAIN-LAIN

UKKMOA

UNIT KOMUNIKASI KORPORAT
KEMENTERIAN PERTANIAN & INDUSTRI ASAS TANI
(UNTUK EDARAN DALAMAN MOA, JABATAN DAN AGENSI SAHAJA)

MADA, KADA laksana dasar penyatuan tanah sawah

Serdang: Lembaga Kemajuan Pertanian Muda (MADA) di Kedah dan Lembaga Kemajuan Pertanian Kemubu (KADA) di Kelantan, sudah memulakan pelan tindakan bagi melaksanakan dasar penyatuan tanah sawah untuk meningkatkan pendapatan pesawah.

Menteri Pertanian dan Industri Asas Tani, Datuk Salahuddin Ayub, berkata dasar itu dilaksanakan melalui beberapa model penyatuan tanah, antaranya estet padi yang akan menghasilkan pertanian berskala besar.

"Pemodenan sektor padi mesti seiring dengan perkembangan masa kerana kebanyakan pesawah memiliki tanah berkeluasan antara satu hingga dua hektar saja.

"Melalui dasar penyatuan tanah, tanah persendirian yang berkeluasan antara 10 hingga 50 hektar, jika ada sektor swasta mahu masuk (sertai bidang penanaman padi), kita boleh buka sehingga 100 hingga 1,000 hektar atau mungkin lebih lagi.

"Ini akan memajukan tanah pesawah kita, sekali gus memberikan pulangan yang lebih lumayan kepada golongan ini (pesawah) dan pemain industri," katanya.

Beliau berkata demikian pada

sidang media selepas merasmikan Persidangan Pesawat Padi Kebangsaan (PPPK) 2019 di Universiti Putra Malaysia (UPM) di sini, semalam. Yang turut hadir, Naib Canselor UPM, Prof Datuk Dr Aini Ideris.

Sebelum ini, Salahuddin dilaporkan berkata, kementerian mengenali pasti empat model yang sesuai untuk diterapkan bagi menjayakan dasar penyatuan tanah sawah.

Model berkenaan termasuk memberi tumpuan kepada pesawah yang berupaya mengurus tanah mereka seluas lima hektar dengan cemerlang dan mampu meraih pendapatan sehingga RM4,000 sebulan.

Mengalakkan usahawan muda menyertai sektor tanaman padi yang membabitkan sawah seluas 50 hektar dengan pendapatan yang diunjurkan adalah RM15,000 sebulan serta memberikan kegunaan kepada Pertubuhan Peladang Kawas (PPK), syarikat berkaitan kerajaan (GLC) atau sektor swasta swasta sawah berkapasiti 200 hektar 500 hektar sehingga 1,000 hektar untuk diusahakan.

Salahuddin berkata, kementerian akan memantau perkembangan pelaksanaan model penyatu-

tan tanah, selain akan turut membantu kawasan padi luar jelang.

"Jika mereka (pesawah padi luar jelang) memerlukan bantuan, kita akan lihat jika ada keperluan, PPK atau individu yang berminat.

"Ini penting bagi mendidik pesawah dalam jangka masa panjang supaya bantuan lebih banyak dapat dibertukar di peringkat output," katanya.

Melalui beberapa pendekatan yang dilaksanakan seperti pengendalian benih baharu dan rantaian nilai yang diperkemas, beliau yakin sasaran untuk mencapai pengeluaran padi tahunan antara lapan hingga 12 tan sehektar akan tercapai dalam masa lima tahun, berbanding empat hingga lima tan sehektar ketika ini.

Berhubung cadangan untuk petani dan nelayan membuat carutman kepada Pertubuhan Keselamatan Sosial (PERKESO), Salahuddin berkata, syarikat insurans sedang mendapatkan data berkaitan berhubung perkara itu.

"Ia seperti PERKESO tetapi ada model tertentu yang syarikat insurans boleh tawarkan. (Carutman) PERKESO juga antara yang turut dibincangkan," katanya.



Salahuddin melawat pameran selepas perasmian Persidangan Pesawat Padi Kebangsaan 2019 di UPM, semalam. (Foto Ihsan FB)

TARIKH	MEDIA	RUANGAN	MUKA SURAT
7/8/2019	SINAR HARIAN	NASIONAL	4

'Saya mahu lihat nelayan, petani dan pesawah tersenyum indah'

SERDANG - Menteri Pertanian dan Industri Asas Tani, Datuk Salahuddin Ayub berazam untuk membantu nelayan, petani dan pesawah agar mereka boleh 'tersenyum indah' selepas ini.

Menurutnya, beliau ingin melihat sasterawan menulis novel hatta puisi yang menggambarkan kesusahan, penderitaan golongan tersebut yang sering dihimpit kemiskinan.

"Saya mahu lihat wajah petani, pesawah kita akan terus tersenyum indah. Bukan lagi ada puji-pujian menulis novel, puisi yang menggambarkan derita nelayan dan petani kita.



SALAHUDDIN

"Cukuplah sasterawan kita menulis tentang air mata di Seberang Takir (perkampungan nelayan di Terengganu), cukuplah Usman Awang, Shahnon Ahmad menulis novel yang mengisahkan betapa miskinnya petani kita," katanya.

Beliau berkata demikian dalam ucapan pada Persidangan Pesawah Padi Kebangsaan (PPPK) 2019 di Universiti Putra Malaysia di sini yang turut dihadiri Naib Canselor UPM, Prof Datuk Dr Aini Ideris.

Tambah Salahuddin, selepas ini beliau mahu melihat hanya kisah kejayaan nelayan,

petani dan pesawah diabadikan dalam novel dan puisi nukilan sasterawan negara.

"Insyaa-ALLAH watak sedemikian (nelayan, petani, pesawah miskin) tidak lagi wujud dalam 10 tahun akan datang tapi semuanya adalah cerita kejayaan petani.

"Mereka ini sebenarnya merupakan wira negara yang mesti kita berikan bantuan kerana jasa mereka sangat besar," ujarnya.

Tambah Ahli Parlimen Kulai itu, beliau sedia merangka dan meluluskan polisi-polisi baharu dalam memastikan agenda tersebut dapat dilaksanakan.

"Saya berjanji untuk bersedia mengubah dan buat polisi baharu untuk memudahkan cara, memendekkan birokrasi dan paling penting, segala bantuan dalam segala bentuk cepat sampai kepada petani," katanya.

30 nelayan Vietnam rompak hasil laut



EBAHAGIAN nelayan Vietnam yang ditahan Maritim Malaysia dalam Op Iman di kedudukan sekitar 104 hingga 109 batu nautika timur laut Kuala Kemaman, Terengganu, semalam. - UTUSAN/MUKHATAR A. RAHMAN

Oleh MUKHATAR
A. RAHMAN
mukhtar@gmail.com

■ KEMAMAN 6 OGOS

AGENSI Penguatkuasaan Maritim Malaysia (Maritim Malaysia) Terengganu menahan dua bot nelayan Vietnam bersama 30 nelayan termasuk tekong yang merompak hasil laut negara di perairan negeri ini, dekat sini kelmarin.

Pengarah Maritim Zon Maritim Kemaman, Komander Maritim Rashidilhadhi Abd. Rashid berkata, penahanan bot-bot itu dilakukan anggota Maritim Malaysia menerusi Op Iman di sekitar perairan Terengganu di kedudukan 104 hingga 109 batu nautika timur laut Kuala Kemaman kira-kira pukul 8.15 dan 9.05 pagi.

Menurutnya, kesemua bot nelayan asing dengan nombor pendaftaran KG 95858 TS dan KG 93359 TS bersama 30- nelayan Vietnam termasuk tekong berumur antara 17 hingga 60 tahun dibawa masuk ke Jeti Zon Maritim Kemaman untuk siasatan lanjut.

Beliau memberitahu, kesemua rampasan termasuk peralatan tangkapan ikan

dan bot dianggarkan bernilai RM1.4 juta.

"Kes diasiasat di bawah Seksyen 15 (1) (a) Akta Perikanan 1985 kerana menceroboh dan menangkapi ikan di perairan Malaysia tanpa lesen yang sah dan kebenaran Pengarah Perikanan Malaysia, Seksyen 8 (a) Akta Perikanan 1985 kerana bot beroperasi tanpa lesen yang sah.

"Selain itu, ia juga ditanahan mengikut Seksyen 6 (1) (c), Akta Imigresen kerana tidak memiliki dokumen pengenalan diri yang sah," katanya dalam satu kenyataan di sini hari ini.

Ujarnya, operasi memberantas kegiatan pencerobohan nelayan asing khususnya dari Vietnam ini akan diteruskan tanpa henti dan Maritim Malaysia juga akan menggunakan pelbagai kaedah pelaksanaan operasi bagi melindungi khazanah laut negara daripada dicuri nelayan-nelayan asing.

Rashidilhadhi menyeru orang ramai agar melaporkan kepada Maritim Malaysia mengenai sebarang aktiviti mencurigakan melibatkan bot berserta nelayan asing menerusi talian MERS 999 yang beroperasi 24 jam.

Ayam beku seludup bernilai RM300,000 dirampas

RANTAU PANJANG - Sejumlah 55,156 kilogram (kg) ayam sejuk beku bernilai RM300,000 yang cuba diseludup masuk ke negara ini berjaya dirampas oleh anggota penguatkuasa yang bertugas mengawal sempadan.

Pengarah Jabatan Perkhidmatan Kuarantin dan Pemeriksaan Malaysia (Maqis) Kelantan, Mohd Azam Yahya berkata, rampasan itu bermula dari Januari hingga kelmarin dan memabitkan sembilan kes.

"Kesemua ayam sejuk beku

itu diseludup masuk dari negara jiran menggunakan pangkalan haram di sepanjang Sungai Golok," katanya di sini semalam.

Menurutnya, kesemua rampasan itu adalah hasil kerjasama erat di antara Maqis Kelantan dengan agensi penguatkuasaan sempadan Malaysia-Thailand.

"Perbuatan mengimport ayam sejuk beku tanpa ada permit import yang sah dari Maqis adalah menjadi suatu kesalahan di bawah Seksyen 11(1) Akta Perkhidmatan Kuarantin dan Pemeriksaan Malaysia 2011," katanya.

Sementara itu, ayam sejuk beku seberat 180 kg bernilai RM2,000 yang cuba diseludup masuk ke negeri ini berjaya dirampas oleh Pasukan Gerakan Am (PGA) Batalion 8 Pengkalan Chepa kelmarin.

Katanya, rampasan dibuat ketika Op Wawasan yang dijalankan berhampiran pangkalan haram Jeram Perdah dekat sini.



Kakitangan Maqis menunjukkan ayam sejuk beku yang dirampas oleh PGA di Jeram Perdah.

Ayam sejuk beku bernilai RM300,000 dirampas



MOHD. AZAM (kiri) menunjukkan ayam sejuk beku yang dirampas pada sidang akhbar di Rantau Panjang semalam.

RANTAU PANJANG - Ayam sejuk beku bernilai RM300,000 yang cuba diseludup masuk ke negara ini menerusi pangkalan haram di Sungai Golok berjaya dirampas menerusi Ops Wawasan bermula Januari hingga kelmarin.

Pengarah Jabatan Perkhidmatan Kuarantin dan Pemeriksaan Malaysia (Maqis) Kelantan, Mohd. Azam Yahya berkata, rampasan itu adalah hasil kerjasama erat pihaknya dengan beberapa agensi penguatkuasaan sempadan lain.

Mohd. Azam memberitahu, Pasukan Gerakan Am (PGA) Batalion 8 Pengkalan Chepa berjaya merampas ayam sejuk beku seberat 180 kilogram (kg) bernilai RM2,000 kelmarin.

"Rampasan itu dilakukan pasukan tersebut ketika melakukan rondaan menerusi Ops Wawasan berhampiran pangkalan haram Jeram Perdah dekat sini.

"Ini merupakan rampasan pertama yang dilakukan PGA Batalion 8 Pengkalan Chepa dan diserahkan kepada Maqis untuk bulan Ogos," katanya ketika ditemui pada sidang akhbar di sini semalam.

Beliau berkata, sepanjang tahun ini pihaknya berjaya merampas ayam sejuk beku seberat 55,156kg ayam sejuk beku bernilai kira-kira RM300,000.

"Perbuatan mengimport ayam sejuk beku tanpa mempunyai permit import yang sah daripada Maqis menjadi suatu kesalahan di bawah Seksyen 11(1) Akta Perkhidmatan Kuarantin dan Pemeriksaan Malaysia 2011.

"Selain itu, mereka yang terlibat juga boleh dihukum di bawah Seksyen 11(3) dalam akta yang sama. Jika disabit kesalahan, boleh didenda tidak melebihi RM100,000 atau dipenjarakan selama tempoh tidak melebihi 6 tahun atau kedua-duanya sekali," katanya.

Mereka ibarat wira negara

Warga peladang, penternak dan nelayan diraikan

SYAMILAH ZULKIFLI

Tanggal 6 Ogos setiap tahun menjadi tarikh paling bermakna buat warga penggerak industri pertanian dan penternakan negara apabila digazet sebagai Hari Peladang, Penternak dan Nelayan (HPPN).

Isa sekali gus sebagai satu penghormatan buat mereka yang menjadi sebahagian daripada penggerak penting ekonomi negara.

Seiring dengan perubahan masa, menjadi hasrat kerajaan supaya berlaku perubahan dalam sektor berkenaan agar dapat dikomersialkan dan menjadi sumber pendapatan utama kepada rakyat. Pada masa sama dapat meningkatkan pendapatan dan mengurangkan import negara.

Menghadapi persaingan global yang semakin sengit,



Masing-masing mempromosikan kehadiran orang ramai untuk memiahkan majlis HPPN 2019 di Plaza Angsana Johor Bahru pada 28 November hingga 1. Disember.

sektor berkenaan perlu dipacu dengan penggunaan teknologi moden bagi meningkatkan pengeluaran secara efisien dan efektif.

Melihat betapa besarnya peranan kelompok terabit, Menteri Pertanian dan Industri Asas Tani, Datuk Salahuddin Ayub menyifatkan golongan petani dan penternak sebagai wira negara.

Menurutnya, golongan ini adalah benteng kepada

kedaulatan makanan negara dan menjadi tanggungjawab kerajaan untuk memastikan pembelaan diberikan sewajarnya.

"Kita perlu pastikan negara ada bahan makanan yang cukup untuk dinikmati seluruh rakyat," katanya ketika berucap pada Perhimpunan Warga Tani Daerah Rembau Sempena Memperingati Hari Peladang, Penternak dan Nelayan di Rembau semalam.

Sebagai menghargai peranan warga peladang, penternak dan nelayan, sambutan dan perayaan, sambutan kebangsaan akan diadakan di Plaza Angsana Johor pada 28 Disember sehingga 1 Disember depan.

Mampu tepati permintaan pasaran

Menurut Salahuddin, bidang pertanian dan penternakan menjanjikan pulangan hasil yang tidak boleh diragukan.



Salahuddin berkesempatan melawat gerai yang dipamerkan.

"Hari ini kita sedang teroka bersungguh-sungguh untuk cuba mengeksport sumber negara ke luar dan pada masa sama kita juga tidak mahu terlalu banyak import dari luar," katanya.

Beliau berkata, peluang disediakan kerajaan menerusi platform, bantuan geran dan premis bagi membantu kelompok itu lebih maju.

"Saya lihat sambutan HPPN lebih luas dan dinamik berdasarkan segala potensi yang ada. Ia dapat memberi peluang dan ruang yang luas kepada semua pihak terlibat untuk tingkatakan usaha setiap kali ia diadakan.

"Ia termasuklah melalui pembelajaran teknologi baru, mencari ruang pasaran, mempamer dan mempromosi produk masing-masing," katanya.

Kepimpinan PPK diberi tempoh enam bulan

Salahuddin mengingatkan barisan kepimpinan

Pertubuhan Peladang Kawasannya (PPK) yang bakal dilantik kelak supaya menjaga integriti.

"Saya tekankan aspek integriti. Sesiapa yang dipilih dalam mesyuarat agung dan sesiapa yang dilantik atas kuasa menteri mesti pelihara integriti sebab ini melibatkan duit rakyat termasuk isu bantu para peladang.

"Saya minta yang dilantik ini benar-benar bertanggungjawab, enam bulan selepas dilantik saya akan buat penilaian. Jadi siapa pun yang duduk di situ mesti berperanan memajukan peladang," katanya pada sidang media.

Menurutnya, PPK merupakan nadi dan mampu mewujudkan perniagaan atau aktiviti menguntungkan agar mampu berdiri sendiri sekali gus tidak terlalu bergantung kepada kerajaan.

"PPK adalah nadi. Jika mereka ada projek ternakan sendiri, stesen minyak, kebun dan proaktif terokai

Apa Kata Rakyat



Bagi saya sambutan Hari Peladang, Penternak dan Nelayan yang diraikan setiap tahun ini sebagai satu penghargaan buat kami termasuk ahli PPK. Melalui program sebeginilah peluang untuk kami menjana pendapatan."

- Mazita Kadir, 50.



Dengan bantuan dana daripada kerajaanlah saya dapat kembangkan perniagaan rendang maman saya. Harapnya peluang kepada lebih ramai golongan wanita bagi membantu menjana ekonomi keluarga."

- Halimah Bulet, 56.



Salahuddin (tiga dari kiri) memotong pulut kuning dan 'Tasser Softtouch HPPN 2019' sebagai simbolik sambutan di Rembau semalam.



Salahuddin menyerahkan replika cek Tabung Pembangunan Usahamaga kepada Amzakin Amrudin yang menjalankan projek lembu ritot.

bidang lain, ia menunjukkan potensi terhadap 900,000 lebih ahli PPK," katanya.

Ditanya adakah penekanan soal integriti itu dibuat kerana berlaku penyelewengan, Salahuddin berkata, beliau hanya mahu berbicara soal masa depan.

"Dengan kepimpinan baru, saya meletakkan harapan agar kesiapan masa lalu diperbaiki dan kebaikan yang dibuat akan diteruskan. Tugas kita adalah untuk tambah nilai," katanya.

Mansuh skim bantuan hanya tambah beban rakyat

YAN - Keputusan kerajaan tidak melaksanakan kembali skim bantuan penanaman semula kepada pekebun kecil dilihat bakal menambahkan derita rakyat.

Pengerusi Pertubuhan Peladang Negeri (PPN) Kedah, Datuk Abd Lateh Mohd Saman berkata, rakyat ketika ini sudah sedia terbeban dengan kejatuhan harga komoditi seperti kelapa sawit dan getah.

Menurutnya, jika skim bantuan berkenaan pula dimansuhkan, ia sudah tentu akan menyebabkan rakyat berdepan kesulitan khususnya dalam menghadapi kenaikan kos barangan harian.

"Kos keperluan harian juga dilihat tidak pernah menurun membuatkan pekebun kecil kelapa sawit dan getah menghadapi kesukaran," katanya dalam satu kenyataan semalam.

Menurut Abd Lateh, tindakan kerajaan untuk tidak melaksanakan skim bantuan berkenaan jelas menunjukkan bahawa tanaman komoditi utama tersebut tidak digalakkan



ABD LATEH

oleh kerajaan.

"Harapan mereka yang selama ini percaya dan yakin kepada masa depan komoditi ini dan sanggup menunggu tiga hingga tujuh tahun untuk mendapat hasil berkecail sekelip mata," katanya.

Abd Lateh berkata, usaha kerajaan memasarkan produk-produk berkenaan juga dilihat tidak bersungguh dan tindakan menghentikan bantuan tanam semula menggambarkan kerajaan tidak lagi yakin dengan industri ini.

"Kerajaan perlu terlebih dahulu memperkenalkan produk baharu tapi yang lebih penting ialah masyarakat perlu dibimbing dengan ilmu dan budaya baharu," katanya.

TARIKH	MEDIA	RUANGAN	MUKA SURAT
7/8/2019	SINAR HARIAN	TUNTUTAN SKIM PENANAMAN SEMULA DIKEMBALIKAN	2

Pekebun resah skim bantuan tanaman dimansuhkan

SABAK BERNAM - Pekebun kecil yang rata-ratanya berpendapatan rendah resah berikutan keputusan kerajaan tidak melaksanakan skim bantuan penanaman semula kepada pekebun kecil.

Pengerusi Pertubuhan Peladang Kawasan (PPK) Bernam Jaya, Datuk Abd Rahman Bakri berkata, pekebun kecil hanya bergantung harap kepada hasil pertanian bagi menampung kos sara hidup yang semakin tinggi.

"Pekebun kecil merasai bebanan dan tekanan dengan keputusan kerajaan memansuhkan skim bantuan tersebut.

"Kerajaan sepatutnya mengubah taraf hidup golongan pekebun yang didapati masih berada dalam paras kemiskinan," katanya kepada *Sinar Harian* semalam.

Malah, tegas beliau, kos perbelan-

jaan input pertanian juga semakin tinggi dan membebankan berbanding pendapatan yang diperoleh pekebun kecil.

"Kerajaan perlu mengekalkan atau meningkatkan pemberian subsidi kepada golongan ini khususnya apabila mereka perlu mengeluarkan perbelanjaan tinggi membeli input pertanian dan menyewa jentera," ujarnya.

Selain itu, katanya, kerajaan perlu menyedari mata wang negara berada di bawah nilai berdasarkan kepada kuasa pembelian yang tidak seimbang dan kadar tukaran asing.

"Ketika zaman kerajaan dahulu mereka menikmati lebih banyak inisiatif dan bantuan berbanding sekarang.

"Perkara ini sepatutnya diberikan perhatian oleh pemerintah pada hari ini," katanya.



ABD RAHMAN

TARIKH	MEDIA	RUANGAN	MUKA SURAT
7/8/2019	BERITA HARIAN	MUKA DEPAN	1



TARIKH	MEDIA	RUANGAN	MUKA SURAT
7/8/2019	BERITA HARIAN	MUKA DUA	2

Laporan Kajian Pasaran Sektor Makanan MyCC

Punca 5 bekalan makanan mahal

Kartel kawal pasaran, kaut untung antara 60 hingga 75 peratus

Oleh Mohd Azis Ngah dan Amin Ridzuan Ishak
bhnews@bh.com.my

Kuala Lumpur: Penguasaan pasaran ikan oleh kartel, kegiatan menyewa permit import (AP) kubis, jualan lot niaga borong sehingga RML3 juta, kebergantungan kepada negara sumber yang terhad serta kekurangan produk tempatan, menjadi punca kenaikan harga lima bekalan makanan utama rakyat negara ini.

Semua faktor itu dikenal pasti dalam Kajian Pasaran Sektor Makanan yang dijalankan Suruhanjaya Persaingan Malaysia (MyCC) menyumbang kepada peningkatan harga ikan kembung, daging, susu rumusan bayi, kubis bulat serta sawi hijau.

Kartel yang menguasai pusat pengumpulan utama ikan serta sayur-sayuran di Pasar Borong Kuala Lumpur (PBKL), didapati mengawal dan menentukan harga pasaran dengan mengaut untung antara 60 hingga 75 peratus daripada harga ikan yang diraih dari jeti pendaratan.

Kos tambahan pengurusan yang dikenakan ke atas pemborong di PBKL, termasuk sewa tapak, perkhidmatan sejuk beku, upah angkut, kos guna pakai tong plastik didapati membebarkan peniaga.

Kajian MyCC mendapati, keadaan menjadi lebih teruk apabila pekerja asing 'dibenarkan' menjual ikan pada harga lebih tinggi.

Pasaran keseluruhan dan isu khusus berkaitan setiap sub sektor makanan

<p>Cabaran penting</p> <p>Daging</p> <ol style="list-style-type: none"> 1: Peningkatan harga daging yang ketara 2: Kebergantungan terlalu tinggi dengan import dan sumber bekalan terhad 3: Jumlah pengeksport yang terhad 4: Kesukaran menceburi bidang dan dominasi pengimport 	<p>Keperluan utama</p> <p>Rumusan bayi</p> <ol style="list-style-type: none"> 1: Kesukaran memasuki pasaran dan dominasi syarikat multinasional 2: Aktiviti promosi yang mengelirukan 3: Kebergantungan terlalu tinggi kepada bekalan import 4: Kesan promosi mengelirukan 	<p>Perlu diberikan perhatian</p> <p>Pasar Borong Kuala Lumpur</p> <ol style="list-style-type: none"> 1: Kesesakan di hab pengedaran barangan utama 2: Kos operasi tambahan
<p>Ikan kembung</p> <ol style="list-style-type: none"> 1: Kesan pengisytiharan sebagai 'Ikan Rakyat' 2: Kehadiran orang tengah yang ramai 3: Bekalan terhad mempengaruhi harga dan terdedah kepada peniaga mengambil kesempatan 	<p>Kubis bulat dan sawi hijau</p> <ol style="list-style-type: none"> 1: Salah guna permit kelulusan (AP) 2: Potensi perkongsian maklumat pasaran 	<p>Peruncitan moden</p> <ol style="list-style-type: none"> 1: Kuasa penawaran yang tinggi dan amalan perniagaan tidak adil

Ketika ini, PBKL dikuasai lebih 90 peratus pekerja asing dan ada antara mereka yang cukup berani berniaga tanpa permit di tepi jalan, bersebelahan pasar.

Kajian MyCC juga mendapati, wujudnya salah laku dalam kalangan penerima AP untuk mengimport kubis bulat, apabila ada di antara mereka hanya mengambil keuntungan 'atas angin' dengan menyewakan permit itu kepada peniaga lain.

Tindakan itu menyebabkan penyewa AP terpaksa menaikkan harga menyebabkan pengguna terpaksa membelanjakan sehingga RM4.95 untuk membeli satu kilogram kubis.

Pada 2017, Malaysia hanya mampu menghasilkan produk tempatan sebanyak 77,842 tan metrik kubis bulat, berbanding permintaan pasaran sebanyak 173,208 tan metrik.

Kenaikan harga daging pula di-kesan berpunca daripada sikap terlalu bergantung kepada pembekal dua negara sahaja iaitu India dan Australia, sekali gus menyaksikan pengeksport serta pengimport mengawal harga yang terpaksa dibayar pengguna negara ini.

Masalah sama berlaku dalam isu kenaikan susu rumusan bayi apabila kajian mendapati, Malaysia tidak mempunyai produk-

tempatan yang mampu mengimpor produk import.

Menerusi laporan kajian setebal 386 muka surat dijalankan selama sembilan bulan, MyCC turut mencadangkan supaya pihak berkaitan termasuk Kementerian, agensi kerajaan supaya memantau gerak kerja pemilik AP serta meningkatkan produk daging tempatan untuk meningkatkan persaingan harga.

Bagi isu kenaikan harga ikan, MyCC menyarankan supaya pengguna beralih menggunakan produk ikan beku segar Q-Fish dan meningkatkan aktiviti akuakultur seperti penternakan ikan sangkar.

Laporan Kajian Pasaran Sektor Makanan itu dilancarkan oleh Menteri Perdagangan Dalam Negeri dan Hal Ehwal Pengguna Datuk Seri Saifuddin Nasution Ismail, semalam.

Mengulas lanjut, Saifuddin berkata, pihaknya akan meneliti semua perkara yang dibangkitkan serta cadangan untuk memperbaiki kelemahan sedia ada.

"Kami akan serahkan maklumat kepada pihak berkaitan dan bantangkan laporan kepada je maah menteri. Semua maklumat ini penting untuk memastikan kestabilan harga dan rakyat boleh berbelanja pada harga patut," katanya.

Ibadat&Fadilat

Daripada Abdullah Umar, Abu Bakar RA berkata: "Muliakanlah Nabi Muhammad SAW dengan memulakan ahli keluarganya." (HR Bukhari)

KAWASAN	SUBUH	ZUHUR	ASAR	MAGHRIB	ISYAK
Kangar	5:53	1:27	4:45	7:37	8:50
Alor Setar	5:53	1:27	4:45	7:37	8:48
P. Pinang	5:55	1:27	4:45	7:36	8:48
Ipoh	5:54	1:25	4:43	7:32	8:45
Kuala Lumpur	5:53	1:22	4:41	7:29	8:41
Shah Alam	5:53	1:22	4:41	7:29	8:41
Johor Bahru	5:46	1:13	4:33	7:18	8:30
Kuantan	5:48	1:16	4:36	7:22	8:34
Seremban	5:52	1:20	4:40	7:25	8:38
Bandar Melaka	5:52	1:19	4:39	7:25	8:37
Kota Bharu	5:51	1:19	4:38	7:24	8:37
K. Terengganu	5:44	1:16	4:34	7:24	8:37
Kota Kinabalu	4:51	12:24	3:42	6:33	7:45
Kuching	5:21	12:48	4:08	6:53	8:05



Saifuddin Nasution melancarkan Buku Laporan Suruhanjaya Persaingan Malaysia (MyCC) di Pusat Timbang Tar Antarabangsa Asia (AICTD), Kuala Lumpur, semalam. (Foto BERNAMA)

Laporan Kajian Pasaran Sektor Makanan MyCC

Pemborong kaut 75 peratus untung



Iskandar Ismail

Punca harga ikan dijual mahal kepada pengguna

Oleh Mohd Azis Ngah dan Amin Ridzuan Ishak
bhnews@bh.com.my

Kuala Lumpur: Peningkatan harga sehingga enam kali dalam rantai pemasaran ikan tempatan dengan pemborong utama mengambil keuntungan antara 60 hingga 75 peratus, dikenali pasti antara punca barangan keperluan itu mahal ketika dijual kepada pengguna.

Kajian Pasaran Sektor Makanan oleh Suruhanjaya Peralihan Malaysia (MyCC) yang mengambil contoh ikan kembung, mendapati ia diraih daripada nelayan pada harga RM7.50 hingga RM8.50 sekilogram (kg) sebelum meningkat kepada RM15 hingga RM17/kg ketika dijual runcut kepada pengguna.

Dalam proses itu, nelayan yang mengharungi pelbagai kesulitan sepanjang berada di laut, hanya mendapat keuntungan di antara 10 hingga 20 peratus atau kira-kira RM1/kg kerana menanggung kos yang tinggi untuk operasi bot, komisyen jualan dan diesel di antara RM5 hingga RM6.50/kg.

Dalam rantai pemasaran ikan terbabit kepada pengguna itu, pemborong pertama yang mengambilnya dari jeti, meraih keuntungan di antara 60 hingga 70 peratus atau RM4.50 hingga RM6/kg, walaupun kos operasi ditanggung mereka hanya RM1 hingga RM1.50/kg.

Kajian MyCC juga mendapati, sepanjang tempoh lima tahun lalu sejak 2014 hingga 2018, setiap tahun Malaysia mengimport lebih 50 peratus ikan kembung untuk memenuhi permintaan tempatan, ekoran bekalan tempatan yang tidak mencukupi.

Jumlah tangkapan ikan kembung oleh nelayan tempatan merosot daripada 67,407 tan pada 2014 kepada 49,328 tan pada tahun lalu, yang dikatakan berpunca daripada masalah di jeti pendaratan ikan serta faktor cuaca.

Susulan masalah itu, Malaysia terpaksa mengimport sebahagian besar ikan kembung daripada Thailand serta Vietnam, Indonesia, China, India, Myanmar, Yaman dan Pakistan.

Kajian MyCC juga mendapati, langkah mempromosikan ikan kembung sebagai Ikan Rakyat sebelum ini, untuk memberikan



gambaran ia dijual pada harga berpatutan, mencebaskan kesan negatif apabila harganya meningkat lebih pantas berbanding purata indeks ikan dan makanan laut.

Kesedaran itu membuatkan, pengguna mengaitkan kenaikan harga ikan kembung dalam pasaran dengan peningkatan kos sara hidup.


Dalam usaha mengurangkan harga ikan, MyCC mencadangkan supaya kerajaan mempelbagai dan meningkatkan kemudahan jualan ikan secara dalam talian kerana dapat memendekkan rantai bekalan serta mampu mengurangkan kos apabila dibeli secara terus daripada pembekal.

Masa sama, semua pihak yang berkaitan dengan sektor perikanan disarankan supaya mempelbagaikan produk, termasuk meningkatkan bekalan ikan segar beku (Q-Fish) untuk pasaran tempatan berikutan harga semasa yang tinggi.

Ikan segar beku Q-Fish merujuk ikan yang dibekukan oleh Persatuan Nelayan Kebangsaan (NEKMAT) dan Lembaga Kemajuan Ikan Malaysia (LKIM) menggunakan teknologi Individual Quick Freezing (IQF) sejurus tiba di lokasi pendaratan bagi menjaga kualitinya.

Selain produk Q-Fish, pengeluaran bekalan daripada sektor akuakultur seperti bekalan ternakan ikan dalam sangkar, sama ada air masin, payau atau tawar juga berpotensi besar memenuhi permintaan.

Ketua Pegawai Eksekutif MyCC, Iskandar Ismail, ketika mengulas cadangan itu berkata, produk Q-Fish perlu diperkenalkan di seluruh negara dan peng-



guna perlu sedar, ikan itu sebenarnya jauh lebih segar daripada ikan sejuk beku biasa.

"Bekalan yang ada perlu dikalkalkan dalam kuantiti besar, kerana kita akan menghadapi musim tangkapan kurang, terutama ketika musim tengkujuh. Jadi, tidak akan timbul masalah bekalan tak cukup dan harga pun terpaksa dinaikkan.

"Teknologi menghasilkan Q-Fish ini adalah antara penyelesaian terbaik kerana bekalan

ini mampu bertahan lebih enam bulan," katanya.

Tegasnya, jika ikan kembung terlalu mahal, pengguna perlu membuat pilihan bijak kerana masih banyak jenis hasil laut yang lain termasuk hasil ternakan ikan sangkar," katanya.

"Dulu, ramal yang melabelkan ikan kerapu, jerahak dan siapak sebagai ikan mewah, tetapi kini semua itu boleh didapati pada harga murah jika diternak di dalam sangkar.

MyCC dedah wujud salah guna AP import kubis bulat

Kuala Lumpur: Kajian Pasaran Sektor Makanan mendapati wujud unsur salah guna Permit Kelulusan (AP) yang diberikan untuk mengimport kubis bulat.

Menteri Perdagangan Dalam Negeri dan Hal Ehwal Pengguna, Datuk Seri Saifuddin Nasution Ismail, berkata ini berikutan ada pemegang AP membuat keuntungan mudah dengan menyewakan atau menjualnya kepada pihak lain.

Katanya, mengikut kajian Suruhanjaya Peralihan Malaysia (MyCC), penyalahgunaan itu menjadi antara punca kenaikan harga sayur berkenaan secara mendadak.

"Ada pengimport terpaksa menggunakan AP orang lain untuk membawa kubis bulat yang menyebabkan harganya naik.

"Sehubungan itu, MyCC mencadangkan proses selepas pemberian AP dipantau secara rapi bagi memastikan terdapat pilihan kepada pengguna dan harga yang kompetitif bagi kubis bulat di pasaran.

"Kita juga akan berkongsi maklumat hasil dapatan MyCC ini dengan agensi berkaitan untuk tindakan susulan," katanya selepas melancarkan Kajian Pasaran Sektor Makanan dikendalikan MyCC di sini, semalam.

Turut hadir, Timbalannya, Chong Ching Jen dan Ketua Pegawai Eksekutif MyCC, Iskandar Ismail.

Sebelum ini, kerajaan mengeluarkan AP untuk mengimport barangan yang bekalnya tidak mencukupi di pasaran termasuk kubis bulat.

Kajian itu mendapati purata harga kubis bulat di pasaran negara kini mencecah RM4.90 berdasarkan rekod pada minggu terakhir April lalu yang dibandingkan dengan empat negara lain iaitu India, Singapura, Indonesia dan Filipina.

Ia menunjukkan peningkatan RM1 berbanding purata harga paling tinggi pada peringkat runcut direkodkan tahun lalu iaitu RM3.90.

Kerajaan mengeluarkan AP bagi mengimport kubis bulat yang 90 peratus daripadanya dari China berikutan permintaan tinggi di pasaran.

Saifuddin berkata, beliau akan membawa hasil kajian MyCC kepada Jemaah Menteri yang akan membincangkannya dari segi dasar dan tindakan susulan terhadap segala penemuan.

"Laporan ini diwujudkan atas semangat untuk berkongsi maklumat dengan agensi berkaitan supaya segala kelemahan dapat diatai, bukannya untuk mengkritik mana-mana pihak.

Sewa tapak tinggi, jual barang mahal

Warga asing kawal harga ikan untuk kegunaan 10 juta pengguna

Oleh Mohd Azis Ngah
dan Amin Ridzuan Ishak
bhnews@bh.com.my

Kuala Lumpur: Satu lot niaga Pasar Borong Kuala Lumpur (PBKL) dijual pada harga RM1.8 juta secara tunai dan pemilik baru kemudian menyewakan tapak berkenaan pada kadar antara RM20,000 hingga RM30,000 sebulan.

Lot itu dipecahkan kepada empat lot mini yang disewakan RM3,000 setiap lot. Lot berkenaan beroperasi dua syif sehari, bermakna pemilik lot akan memperoleh RM24,000 dalam sebulan.

Sedangkan, kadar sewa ditetapkan cuma sebanyak RM1,400 sebulan bagi setiap lot yang berkeluasan 20 kaki persegi.

Kadar sewa yang tinggi itu antara beban ditanggung peniaga di PBKL yang lebih popular dengan gelaran Pasar Borong Selayang.

Akibabnya, mereka akan mengenakan harga tinggi kepada

pembeli, sekali gus menyaksikan bekalan ikan serta sayur dijual mahal.

Pendedahan mengenai terdapat dalam laporan Kajian Pasaran Sektor Makanan oleh Suruhanjaya Persaingan Malaysia (MyCC) membabitkan lima produk utama iaitu ikan, daging, susu formula, sawi hijau dan kubis bulat.

PBKL adalah pembekal utama ikan dan sayur untuk pasaran hampir 10 juta pengguna di Kuala Lumpur, Selangor, Negeri Sembilan, Melaka serta beberapa kawasan di Pahang dan Perak.

Mengulas perkara itu, Ketua Pegawai Eksekutif MyCC, Iskandar Ismail, mengakui lebih 90 peratus daripada pekerja di PBKL ialah warga asing termasuk yang tidak memiliki permit kerja.

"Urusan di PBKL adalah berasaskan kepercayaan dan bayaran dibuat secara tunai atau kredit. Pekerja asing yang sudah lama bekerja diberi kepercayaan oleh tauke untuk menguruskan bekalan dan menjual ikan.

"Mereka menggunakan peluang itu dengan mengenakan harga yang mahal, 'mengaut untung atas angin' dan merosakkan persaingan harga secara sihat di PBKL," katanya.

Lebih memburukkan keadaan,



Pekerja asing ambil kesempatan berniaga di Pasar Borong Selayang.

ada pekerja asing yang tidak berlesen atau tidak menyewa tapak menjual ikan di tepi jalan dengan harga empat kali lebih murah berbanding di pasar utama.

Berikutan itu, Dewan Bandaraya Kuala Lumpur (DBKL) membahagikan sistem pengurusan PBKL kepada tiga pengendali berbeza bagi memastikan pengurusan cekap.

Konsortium Pasar Borong Sdn Bhd dan pengendali individu mengendalikan perkhidmatan jualan borong, manakala ILUM Holdings menjadi perkhidmatan tempat letak kenderaan dan Forever Fresh Cold Storage Sdn Bhd menguruskan bilik sejuk beku.

Namun, semua perkhidmatan disediakan pengendali itu perlu 'dibayar' peniaga termasuk tong

ikan, 'teksi' atau penghantar barang dan pemungkah barang.

Peniaga tidak dibenarkan mendapatkan bekalan ais daripada pembekal luar dan ikan yang tidak habis dijual dilarang dijual atau dihawa keluar dari PBKL.

Iskandar berkata, PBKL sentiasa menjadi pusat rujukan harga di seluruh negara dan jika mereka menaikkan harga, seluruh pusat pemborong utama lain juga akan mengambil tindakan sama.

Sehubungan itu, katanya, MyCC mencadangkan supaya PBKL dinaik taraf menjadi pasar raya lebih moden, sistematik, bersih serta dilengkapi kemudahan keselamatan lebih baik.

Penambahbaikan perlu kerana pusat pengumpulan bekalan bahan mentah berusia hampir 50 tahun itu sudah tidak mampu menampung keperluan membekalkan keperluan, selain terdedah kepada sistem manipulasi dan monopoli.

"Jangan tutup PBKL, tetapi naik taraf. Memang ramai yang tidak akan bersetuju tetapi kita mesti belajar bagaimana Herdian Bas Puduraya kini bertukar wajah menjadi Terminal Bersepadu Selatan (TBS).

"Ia jauh lebih moden, besar, kemas dan sistem keselamatannya juga lebih baik," katanya.

Malaysia perlu kilang proses produk susu bayi

Kuala Lumpur: Kerajaan perlu menggalakkan industri mewujudkan pusat inovasi dan kilang memproses susu tepung rumusan bayi di Malaysia, bagi membolehkan produk berkenaan dijual pada harga lebih rendah.

Kajian Pasaran Sektor Makanan dikendalikan Suruhanjaya Persaingan Malaysia (MyCC) juga mencadangkan kerajaan mengenal pasti syarikat tempatan berkemampuan untuk mencaburi sektor penghasilan produk itu, selain memperkenalkan jenama dalaman yang berjaya menstabilkan harganya seperti dilakukan di Korea Selatan dan Itali.

Hasil kajian, MyCC mendapati purata harga susu tepung rumusan seberat 900 gram bagi bayi berusia enam hingga 12 bulan berjenama perdana di Malaysia paling murah adalah RM30.50, manakala jenama premium pula RM114.99.

Kajian itu turut menyebut susu tepung rumusan bayi dikilangkan di Malaysia selama ini terlalu bergantung kepada bahan mentah dari luar negara terutama tenusu, berikutan bekalan susu domestik terhad, selain kekurangan kilang khusus mengeluarkan bahan be-

rasakan serbuk bagi pemrosesannya yang secara langsung memberi kesan kepada harganya di pasaran.

"Industri harus digalakkan mewujudkan pusat inovasi dan kilang pengeluaran di sini (Malaysia). Pada masa sama, kerajaan harus mengenal pasti syarikat tempatan yang berkemampuan dan berminat terlibat dalam sektor itu.

"Seharusnya ada perancangan rapi termasuk insentif daripada kerajaan untuk memastikan pembabitin penggiat tempatan," kata MyCC.

Laporan itu antara lain turut mencadangkan semua sektor menyayakan Polisi Penyusuan Susu Ibu Kebangsaan yang diperkenalkan Kementerian Kesihatan, selain mendidik orang ramai bahawa susu rumusan bayi berjenama perdana yang harganya lebih murah juga mengandungi nutrisi diperlukan bayi seperti produk premium.

Selain itu, kerajaan juga harus memperkenalkan jenama dalaman untuk produk rumusan bayi berjenama premium dengan peruncit sedia ada untuk menambah pilihan kepada pengguna dan men-

INFO

- 1: RM2.2 bilion - nilai jualan susu rumusan bayi di Malaysia pada 2018
 - » 58 peratus jenama premium
 - » 42 peratus jenama utama
- 2: 51 juta kilogram susu rumusan dijual di Malaysia sepanjang 2018
 - » 66 peratus jenama utama
 - » 34 peratus jenama premium
- 3: Halangan dalam amalan penyusuan ibu
 - » Tidak cukup susu - 59.0%
 - » Keletihan bekerja - 16.4%
 - » Bayi badapi masalah menyusu - 8.6%
 - » Penyusuan bayi amat menyakitkan - 6.8%
 - » Ibu mengandungi atau berhasrat mengandungi - 5.9%
 - » Tidak berhasrat untuk menyusu bayi - 1.1%
 - » Blimbang perubahan bentuk payudara kerana penyusuan - 0.5%

Perbandingan harga susu

Negara	Harga susu jenama premium (RM)	Harga susu jenama perdana (RM)
	Australia	85.26
Indonesia	115.30	50.74
Filipina	96.80	45.99
Thailand	109.09	47.34
Malaysia	114.99	30.50

jadikan harga lebih kompetitif.

"Kerajaan juga dicadangkan memperkenalkan peraturan khas bagi memantau pemasaran susu rumusan bayi bagi mengelakkan kekeliruan daripada promosi susu rumusan peringkat tiga contoh-

nya pelabelan untuk produk itu harus berbeza dengan susu peringkat satu dalam aspek warna, reka bentuk, slogan dan simbol," katanya.

Ketua Pegawai Eksekutif MyCC, Iskandar Ismail, berkata

Malaysia perlu memulakan langkah sekarang untuk mengeluarkan susu rumusan bayi di negara ini, bagi mengurangkan harga produk itu dalam pasaran serta memberi lebih banyak pilihan kepada pengguna.

Laporan Kajian Pasaran Sektor Makanan MyCC

Kerajaan perlu tambah import daging

Penternak tak dapat tampung permintaan punca harga meningkat

Oleh Mohd Azis Ngah dan Amin Ridzuan Ishak
bhnews@bh.com.my

Kuala Lumpur: Ketidakupayaan penternak tempatan memenuhi permintaan dan kebergantungan kepada negara sumber import yang terhad, dikenal pasti oleh Suruhanjaya Persaingan Malaysia (MyCC) sebagai punca harga daging dalam pasaran negara menjadi tidak menentu.

Justeru, kerajaan digesa lebih agresif mencari negara pengeksport daging, bagi memastikan kestabilan bekalan dan harga menerusi persaingan yang lebih banyak dalam pasaran.

Kajian Pasaran Sektor Makanan yang dikendalikan oleh MyCC mendapati, kegagalan me-

ngangani keadaan itu boleh meletakkan negara dalam krisis bekalan daging, sekali gus menjejaskan sistem keselamatan makanan.

Kerajaan juga digesa memfokuskan kepada usaha mengurangkan kos menjalankan perniagaan pasaran domestik dengan membangunkan dasar integrasi makanan haiwan kebangsaan untuk mengurangkan kos memproses makanan haiwan.

Berdasarkan kejadian itu, MyCC mendapati, permintaan terhadap bekalan daging dalam kalangan rakyat negara ini semakin tinggi.

Ini berdasarkan peningkatan pemakanan daging lembu yang meningkat daripada 5.5 kilogram (kg) kepada 6.7/kg perkapita tahun lalu.

Bagaimanapun, nisbah ketahanan diri (SSR) bagi daging lembu menurun daripada 30 peratus pada 2010 kepada 22 peratus tahun lalu, begitu juga dengan penguatruannya merosot daripada 51,227 tan pada 2012 kepada 46,333 tan pada 2017.

Jumlah import daging lembu pula meringkat daripada 128,776



tan pada 2010 kepada 167,439 tan yang menunjukkan kebergantungan negara kepada negara luar seperti India dan Australia.

Tahun lalu, Malaysia mengimport 216,604 tan daging lembu manakala pengeluaran pembekal domestik hanya 47,697 tan.

Kajian itu menyebut Malaysia mengimport lembu hidup daripada banya dua negara iaitu Australia dengan 68 peratus dan Thailand (32 peratus), manakala daging segar daripada tiga sumber, iaitu Australia (92 peratus), New Zealand (tiga peratus) dan lain-lain negara, lima peratus.

Daging lembu sejuk beku pula diimport dari India (78 peratus), Australia (13 peratus), New Zealand (tiga peratus) dan satu peratus dari Brazil.

"Kebergantungan kepada Australia dan India untuk bekalan kerbau dan lembu mendedahkan pasaran tempatan kepada permintaan pasaran dan ketidakpastian harga di negara ini," kata MyCC

dalam segmen kajian bagi produk daging lembu terkandung dalam laporan kajian berkenaan.

Dari segi penetapan harga, laporan itu menjelaskan ia dipengaruhi dengan tukaran mata wang asing dan pada masa sama berlakunya kekurangan bekalan dari Thailand berikutan permintaan dari negara lain.

"Ia menyebabkan Malaysia terus bergantung kepada pengimportan kerbau dari Australia yang menyebabkan harga meningkat berikutan harga komoditi di peringkat global dan penurunan mata wang tempatan.

"Kita membayar sekilogram kerbau Australia pada harga antara RM8 hingga RM9, selain kos logistik iaitu pengangkutan laut (RM1 hingga RM1.50 sekilogram) atau pengangkutan udara (RM7 hingga RM8 sekilogram)," katanya.

Kos lain juga perlu ditanggung di peringkat pemborong dan peruncit, antaranya makanan hai-

wan, perubahan, buruh, penyembelihan, pengangkutan, penyimpanan sejuk beku, sewa dan utiliti yang akhirnya akan diserap pengguna.

Sehubungan itu, laporan Kajian Pasaran Sektor Makanan itu mencadangkan supaya kerajaan menggunakan pendekatan lain untuk meningkatkan pengeluaran di peringkat domestik menerusi kerjasama strategik pada antara sektor swasta dan syarikat sedia ada yang sudah berjaya dalam penternakan.

"Selain bergantung dengan dua negara (Australia dan India), kerajaan juga harus secara agresif mencari negara lain pengeksport lain bagi memastikan kestabilan bekalan dan peluang lebih banyak untuk memastikan lebih banyak persaingan di pasaran.

"Dasar ini bukan hanya terhad kepada sektor ruminan tetapi dikembangkan kepada sektor akuakultur untuk meningkatkan skala ekonomi negara," katanya.

Penderma Food Bank dilindungi undang-undang



Akta khas yang dibentang di Dewan Rakyat akhir tahun ini, akan melindungi penaja dan penderma Program Food Bank Malaysia. (Foto Hfazan)

Kuala Lumpur: Penaja, penderma dan pihak berkaitan Program Food Bank Malaysia akan dilindungi dengan akta khas apabila rang undang-undang mengenainya dibentangkan di Dewan Rakyat, akhir tahun ini.

Cadangan mewujudkan undang-undang baharu itu memasuki fasa akhir untuk diteliti Pejabat Peguam Negara, sebelum dibentangkan pada peringkat Kabinet.

Menteri Perdagangan Dalam Negeri dan Hal Ehwal Pengguna, Datuk Seri Saifuddin Nasution Ismail, berkata ada beberapa aspek perlu diperkemas sebelum perkara itu dimuktamadkan.

"Ada beberapa (isu) yang hilang (tidak diberi perhatian), dalam aspek kawal selia.

"Kita perlu kawal dan melindungi pihak yang ambil bahagian dalam program Food Bank. Jika ada kecacatan iaitu mungkin peneri-

ma mahu ambil tindakan undang-undang, kita sudah bersedia," katanya pada sidang media, semalam.

Pada Mac lalu, Kementerian Kewangan meluluskan dana RM3 juta kepada program Food Bank Malaysia untuk menyediakan 14 lori dilengkapi pendingin.

Kementerian Perdagangan Dalam Negeri dan Hal Ehwal Pengguna (KPDNHEP) diberi tanggungjawab mengedarkan makanan kepada golongan isi rumah berpendapatan 40 peratus terendah (B40), termasuk pelajar universiti awam.

Sebelum itu, Saifuddin melancarkan laporan Kajian Pasaran Sektor Makanan yang dijalankan Suruhanjaya Persaingan Malaysia (MyCC), di sini.

Laporan setebal 896 muka surat itu dijalankan MyCC selama sembilan bulan dengan fokus lima isu

kenaikan harga ikan kembung, daging, susu formula, sawi hijau dan kubis bulat.

Mengulas tindakan yang akan dilakukan terhadap laporan MyCC yang mendakwa wujud salah laku pemilik permit import (AP) sayur kubis bulat, serta cadangan menurunkan harga bekalan, Saifuddin menegaskan ia akan diberi perhatian segera.

"Bukan semua isu berada di bawah Kementerian saya. Jadi, ia perlu dirujuk kepada Kementerian berkaitan dan saya harap ia akan diterima dengan penuh semangat untuk meningkatkan kebolehpayaan.

"Kita akan sebarikan semua maklumat ini (laporan) kepada semua agensi kerajaan dan pemain industri berkaitan.

"Perkara ini (kenaikan harga barang) berkait rapat dengan rakyat, jadi mesti disejajarkan," katanya.